

Makua - Agape Soolempwa - God's Love Letter Scriptures

**Yohani 15:9 Ntoko Atiithi akiphentalyaya, ni miyo kihophentani siiso.
Mukhaleke moophentani mwaka.**

**Yesaya 43:1,2 - aEfeso 2:10 Okhala wira hiyo nuupiwe ni Muluku mwa
Kristu Yesu, wira nivareke miteko sooreera, seiyo owo
onilikanyihenry'awe khalayi wira neetteleke.**

**Yeremiya 1:5 - aKalasiya 1:15 Nto Muluku, muhina woophenta w'awe
ookithanla miyo kihinatthi oyariwa nto khukiitthana wira kikhale
murumey'awe. Nave Muluku aatthunne siiso,**

**Yohani 15:16 Khamuhayo nyuwo mukithanlale miyo: Ti miyo
koothanlaleni nyuwo. Miyo kihoothanlani wira murowe mwiireke
sooreera, sooreera sanyu sikhaleke mahiku othene. Wira, etthu
p'itthu enavekelanyu Atiithi ni nsina naka awo animoovahani.**

**3 Yohani 1:2 Anoophentakani, kintthuna wira itthu sanyu sothene
seetteke oratta-ene ni wira mwetteke okumi, siiso-tho erooho anyu
ekhaleke saana;**

**Yesaya 43:4 - 1 Petru 2:9,10 Nto nyuwo mwa nloko noothanliwa, nloko
n'omwene, nloko nthummwe mulaleerye ekeekhayi y'ole
owiitthanneni mw'epiphini mwaary'anyu wira mukhale moowaarya
mw'awe mootikiniha. 10 Nyuwo khalayi mwahaakhanle nloko na
Muluku, nto vano mwa nloko na Muluku, khimwaamoreliwa ikharari
nto vano moomoreliwa ikharari.**

**Yeremiya 31:3 - aEfeso 1:4 Okhala wira Muluku oonithanla mwa yoowo
olumwenku ohinatthi opattuxiwa wira nikhale atthu ooreera
murima ni oo hitheka vamaithoni vawe, moophentani mwawe.**

**2 Timoteyo 1:9 yoowo onooponle ni oniihanenle okhala ooreera
murima, kahiyu mwaha wa miteko sahu, masi mwaha w'otthuna
wawe ni mahal'awe nivahiw'ahu mwa Kristu Yesu ohinatthi
opattuxiwa olumwenku.**

**Yohani 3:16 Maana, Muluku oophentexa olumwenku mpakha onvaha
Mwan'awe mmose-ene, wira othene ale animwaamini yoowo,
ehirimeele, nto wira ekhalane ekumi ehnimala.**

Hoseya 11:8; Yesaya 49:15,16; & Yesaya 41:13,14

Luka 12:32 Yesu aahimuhimeerya-tho wira: Muhoove nyuwo nikoto namukhaani! Atiith'inyu wahaasivela wovahani Omwene aya.

Matewu 28:20 Mwawiixuttiheke weettela sothene soorumalyakani. Nto miyo kinookhala ni nyuwo mahiku othene, mpakha olumwenku omala. Amen!

Yohani 14:1 Yesu aahahimeerya awiixutti awe wira: Muhiriipiwe murima. Mmwaamini Muluku: Mukaamini miyo-tho.

MaSalimu 23:1 - Yohani 10:11 Miyo ka makampusi ooreera murima. Makampusi ooreera murima onnileva ekumi awe mwaha wa ipwittipwitthi sawe.

MaSalimu 23:2 - Wisuupulula 7:17 Tthiri, mwaapwittipwitthi okilanthe eriyari y'ehice onrowa okhala makampusi aya, onimwaahoola ori maasi a ekumi, nave Muluku onoopuputtha maithori othene mmaithoni mw'aya.

MaSalimu 23:3,4 - Luka 1:79 Wira aamwaleele ale ankhala mweepiphini ni mmuttutthini mwa mookhwaani ni oneettiherya mavalu ahu mphironi mwa murettele.

MaSalimu 23:5,6 - 2 aKorinto 1:10 Owo tonaakihenrye ni ononaakiherya okhwa iwo wotepaxa wunnuwa, ninniroromela mwa yoowo wira nlelo onaamunaakiherya,

aFilipi 4:7 Nave murettele wa Muluku, onivikana iye sinwery'ahu osuwela, onoosuka mirima sanyu ni muupuwelo anyu mwa Kristu Yesu.

Malikanyaho 3:24 & MaSalimu 4:8 - Yohani 14:27 Kinoohiyeryani murettele: Kinoovahani murettele aka. Murettele kinoovahakani khuhayo murettele anvah'aya atthu a vathi va. Muhiriipiwe murima ni muhoove.

MaSalimu 33:18 - 1 Petru 3:12 Maana maitho a Apwiya anaaweha anaxariya nave maaru aya aniwiriyana mavekelo, nave owiitho w'aya annaaviruwela ale aniira sootakhala.

aRooma 5:2 Mwa yoowo hiyo noophwanya mahala yaawo anlipan'ahu muhina wo waamini, nave ninnitteeliwa murima mwaha wa nroromelo nri munttittimihoni mwa Muluku.

Yesaya 55:12 - Luka 19:40 Nto Yesu aahiwaakhula, iiraka: Kinoohimeeryani wira atthu awo yamaala, maluku tanrowa okhuwelaka.

Yohani 16:22 Siiso-tho nyuwo: Munniriipiwa murima okathi ula. Nto

**miyo kinowoonani-tho nto murim'anyu onootteeliwa. Otteeliwa
wanyu murima iwo khaavo onrowa owaakhani.**

**Luka 12:9 Nto ole onikiruma ohoolo w'atthu, nave-tho owo
onookhoottiwa ohoolo w'ankelo a Muluku.**

**Matewu 10:30 Nto hata ikarari sa mmuruni mw'anyu sihalikeliwa
sothene.**

**Yesaya 54:10 - Matewu 24:35 Erimu n'ilapo ya vathi sinoomala; nto
moolumo aka khammadala.**

**Matewu 11:28-30 Murwe wa miyo nyuwo othene mulemeliwe ni
muhaaxiwe, nto miyo kinimoomumulihani. 29 Mukuxe mukapatte
ekheero aka nave mwiixutte sa miyo, kirina murima woomala ni
oowiyyeviha, nto munoophwanya omumula muroohoni mw'anyu. 30
Okhala wira ekheero aka ti yookhweya nave muritti aka ti wooveya.**

Salomoni 2:10 & Hoseya 2:14,19,20

**2 aKorinto 11:2 Maana kinniwunlelani ehace ntoko siniwunlelaweni
Muluku, okhala wira kihootthokihani wira koovahereryeni wa
mulopwana mmosa paahi, ori Kristu, ntoko mwali ooreera murima.**

**Exodus 3:14 - aHeperi 13:8 Yesu Kristu ti yoowo okhuma nsana, olelo
ni mahiku othene.**

**Hoseya 13:4 - Miteko S'arummwa 4:12 Nave khaavo mukina oniwerya
woopola, maana vathi veerimu khanivo nsina nikina na mutthu
ninwerya onopolia hiyo.?**

**Yohani 15:14 Nyuwo munookhala apatthani aka, mweettelakaru itthu
kinoorumakan.**

**Yohani 14:6 Yesu aahimuhimeerya wira: ?Miyo k'ephiro n'ekeekhayi
n'ekumi; khaavo onrowa w'atiithi ahivinre mwa miyo.?**

**Wisuupulula 3:20 Mwiweke: Miyo kiri vamukhora, khiyamana nsele.
Akhala mutthu onrowa wiiwa nsu naka, khukihulela, miyo kinookela
mpaani mwawe, kinimoolya ni yoowo, n'uwo onimoolya ni miyo.**